

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 11. stav 2. Zakona o koncesijama - Prečišćeni tekst („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 11. sjednici, održanoj dana 28.06.2019. godine, d o n o s i

ODLUKU
o dodjeli koncesije za istraživanje i eksploataciju
krečnjaka na lokalitetu „Trebačko brdo“, općina Tešanj

Član 1.

(Predmet koncesije)

Privrednom društvu „AB TRANS“ d.o.o. Tešanj (u daljem tekstu: Koncesionar) dodjeljuje se koncesija za istraživanje i eksploataciju krečnjaka na lokalitetu „Trebačko brdo“, općina Tešanj.

Član 2.

(Lokacija)

(1) Istražno-eksploatacijski prostor definisan je koordinatama prelomnih tačaka:

Tačka 1	Y= 6 504 393	X= 4 941 729
Tačka 2	Y= 6 504 437	X= 4 941 747
Tačka 3	Y= 6 504 454	X= 4 941 759
Tačka 4	Y= 6 504 426	X= 4 941 838
Tačka 5	Y= 6 504 490	X= 4 941 521
Tačka 6	Y= 6 504 587	X= 4 941 456
Tačka 7	Y= 6 504 694	X= 4 941 484
Tačka 8	Y= 6 504 602	X= 4 941 927
Tačka 9	Y= 6 504 659	X= 4 941 924
Tačka 10	Y= 6 504 478	X= 4 941 628
Tačka 11	Y= 6 504 457	X= 4 941 635
Tačka 1	Y= 6 504 393	X= 4 941 729

Ukupna površina istražno-eksploatacijskog prostora na pomenutom lokalitetu je 3,3 ha .

(2) Istražno - eksploatacijski prostor ležišta krečnjaka na lokalitetu „Trebačko brdo“, općina Tešanj. površine definisan je koordinatama prelomnih tačaka naprijed navedenim i lociran je na parceli kako je prikazano u Studiji ekonomske opravdanosti dodjele koncesije i Odluci o davanju saglasnosti za dodjelu koncesije Općinskog vijeća Tešanj, (k.p.broj: 703/1 K.O. Trepče, zvana TREBAČKO BRDO, po načinu korištenja Šuma 2. Klase u površini od 329.811 m² i Šuma 6. klase u površini od 206.152 m² kojoj odgovaraju parcele starog premjera k.p.broj: 617/3 upisana u ZK uložak br. 36, k.p.broj: 639/1 upisana u ZK uložak br.539, k.p.broj: 538/1 upisana u ZK uložak br.23, k.p.broj: 639/2 upisana u ZK uložak br. 512 i k.p.broj: 631 upisana u ZK uložak br.480 sve upisane u K.O. SP Trepče).

Član 3.

(Ugovor)

Zadužuje se Ministarstvo za privredu da, u skladu sa ovom odlukom i odredbama Zakona o koncesijama, potpiše Ugovor o koncesiji za istraživanje i eksploataciju krečnjaka na lokalitetu „Trebačko brdo“, općina Tešanj iz člana 2. ove odluke u roku od 60 dana od dana stupanja na snagu ove odluke.

Član 4. **(Elementi Ugovora)**

(1) Osnovni elementi Ugovora o koncesiji su:

- a) Vrijeme koncesije za eksploataciju na prostoru ležišta krečnjaka lokaliteta „Trebačko brdo“, općina Tešanj je 10 godina od čega 2 godine za istraživanje, računajući od dana dobijanja dozvole za istraživanje, a zavisit će od utvrđenih rezervi mineralne sirovine.
- b) Za eksploataciju količine mineralne sirovine krečnjaka (tehničko-građevinskog kamena) koncesionar je dužan plaćati kontinuiranu koncesionu naknadu u iznosu od 1.30 KM/ m³ čvrste mase mineralne sirovine (slovima: jednakonvertibilna marka i trideset feniga po metru kubnom čvrste mase).

Koncesiona naknada za iskorišteni ukrasni kamen (arhitektonsko-građevinski kamen) je 5% od cijene prodane količine ukrasnog kamena po m³, a koja ne može biti manja od 10% od ukupne godišnje eksploatacije količine mineralne sirovine krečnjaka u m³ čvrste mase.

- c) Minimalna količina eksploatacije mineralne sirovine za koju je koncesionar obavezan plaćati kontinuiranu koncesionu naknadu je 10.000,00 m³ /godini čvrste mase mineralne sirovine krečnjaka (slovima: deset hiljada metara kubnih čvrste mase po godini);
- d) Minimalna jednokratna (fiksna) koncesiona naknada po hektaru istražno-eksploatacijskog prostora ležišta, „Trebačko brdo“, općina Tešanj, na parceli označenoj kao k.p.broj: 703/1 K.O. Trepče, je 10.000,00 KM/ha (slovima: deset hiljada konvertibilnih maraka po hektaru).
- Istražno - eksploatacijski prostor ležišta krečnjaka na lokalitetu „Trebačko brdo“, općina Tešanj, je površine 3,3 ha X 10.000,00 KM/ha = 33.000,00 KM.

(2) Koncesionar je dužan prije zaključivanja Ugovora o koncesiji dostaviti:

- a) Uplatnicu na iznos 33.000,00 KM kao iznos jednokratne koncesione naknade;
- b) Ovjerenu mjenicu sa mjeničnom izjavom na iznos od 26.000,00 KM;
- c) Snimak „Nultog stanja“ ležišta istražno-eksploatacionih radova sa fotografisanjem postojećih objekata u blizini ležišta;
- d) Geodetski elaborat sa identifikacijom parcela (Katastarski plan sa unesenim koordinatama istražno-eksploatacijskog polja i parcelama sa vlasničkim i posjedovnim listovima).

(3) Koncesionar je dužan nakon zaključivanja Ugovora o koncesiji, a prije dobijanja dozvole za eksploataciju, izvršiti upis prava iz Ugovora o koncesiji u Zemljišne knjige.

Član 5. **(Istraživanje i eksploatacija)**

(1) Istražne i eksploatacione radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih sirovina, te drugih važećih zakonskih propisa.

Član 6. **(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-18-10705/19

Datum, 28.06.2019. godine

Z e n i c a

PREMIJER
po ovlaštenju

Mirnes Bašić

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikaciju
i zaštitu okoline,

1x Ministarstvo za poljoprivredu, šumarstvo i vodoprivredu,

1x “AB-TRANS” d.o.o Tešanj, putem ministarstva za privredu,

1x „Službene novine Zeničko-dobojskog kantona“,
1x a/a.